

T. Tangan

Hakmilik

Dewan Bandaraya Kuala Lumpur

(Perpustakaan Kuala Lumpur-Tu Pejabat)

Berita Bandaraya

DEWAN BANDARAYA KUALA LUMPUR



Program pembangunan semula tapak penjaja di Jalan Petaling, dimulakan dengan satu majlis Gotong Royong pada 22 Mac 2002 yang dirasmikan oleh YB. Datuk Pandikar Amin Bin Haji Mulia, Menteri Di Jabatan Perdana Menteri. Turut hadir pada majlis tersebut ialah YB. Dato' Sri Ong Ka Ting, Menteri Perumahan dan Kerajaan Tempatan, Y. Bhg. Kol. Datuk Mohamad Shaïd Bin Mohamad Taufek, Datuk Bandar Kuala Lumpur, Y. Bhg. Datuk Haji Ruslin Bin Haji Hasan, Ketua Pengarah, DBKL dan Ahli-Ahli Lembaga Penasihat Bandaraya Kuala Lumpur. Majlis ini juga dihadiri oleh pihak Persatuan Penjaja Wilayah Persekutuan Kuala Lumpur dan Persatuan Penjaja Jalan Petaling Alam Flora Sdn Bhd.

YB. Datuk Pandikar Amin telah mengumumkan bahawa DBKL tidak akan membuat kerja-kerja menaik-taraf di Jalan Petaling

tanpa persetujuan daripada penjaja-penjaja dan pemilik bangunan yang terlibat. Perbincangan antara DBKL dan penjaja telahpun dibuat dan 98% telahpun bersetuju untuk meneruskan pembangunan di jalan tersebut. DBKL telahpun membuat beberapa plan rekabentuk yang bersesuaian dan perbincangan ini adalah

pada peringkat akhir. Sebagai permulaan, DBKL terlebih dahulu akan menaik taraf siar kaki dan membersihkan longkang-longkang yang tersumbat.

DBKL akan mengekalkan ciri-ciri Jalan Petaling sepertimana yang dikenali sekarang (*China Town*), memandangkan kawasan ini lebih dikenali dengan keunikannya yang tersendiri.

Penjaja-penjaja yang sedia ada diberi jaminan akan mendapat tempat semula apabila kerja-kerja pembangunan ini siap dalam masa tiga hingga enam bulan.

DBKL berharap agar pihak penjaja dan orang ramai akan lebih bersikap positif dan bersama-sama menjaga kebersihan dan tidak membuang sampah di merata-merata agar Jalan Petaling khususnya dan Kuala Lumpur amnya menjadi salah satu destinasi pelancongan yang utama di dunia.



YB. Menteri di Jabatan Perdana Menteri, YB. Menteri Kementrian Perumahan & Kerajaan Tempatan dan Datuk Bandar Kuala Lumpur bersama-sama membersihkan longkang

Rencana Pengarang

Ciri khusus sesuatu tamadun bangsa boleh disorot dari sudut sejauh mana ia dapat membentuk persekitaran yang indah dan menarik melalui perancangan dan pelaksanaan program landskap yang teratur.

Landskap yang cantik juga mencerminkan hati budi dan citarasa yang luhur. Ia dapat memberi ketenangan jiwa kepada manusia di samping dapat menjana inspirasi yang boleh menghasilkan idea dan meningkatkan kreativiti.

Dewan Bandaraya Kuala Lumpur (DBKL) telah memberi penekanan terhadap keperluan mengindahkan bandar raya samada di kawasan perumahan dan tempat kerja lebih-lebih lagi di kawasan istirehat dan tempat berekreasi dan bersantai. Penekanan ini dibuat melalui syarat-syarat di bawah kelulusan perancangan dan pembangunan. Setiap kelulusan yang melibatkan kawasan kediaman yang mempunyai saiz minima yang ditetapkan dikehendaki menyediakan landskap yang sesuai untuk faedah penduduk-penduduk tempatan. Landskap ini dapat memberi kedamaian jiwa dan kerehatan fikiran dengan suasana tanaman hijau yang teduh, air tasik yang tenang serta puspa yang berwarna-warni dan kembang mewangi.

Kempen-kempen pengindahan dan kebersihan sering dilaksanakan untuk membuka minda dan mewujudkan kesedaran di kalangan orang ramai tentang peri mustahaknya landskap kepada kesejahteraan hidup insan.

Pendidikan di sekolah harus juga menjurus kepada usaha-usaha memupuk kesedaran dan kepekaan kepada landskap dan keindahan alam sekitar. Persatuan-persatuan tatahias dan seni pertanaman harus digalakkan di kalangan pelajar supaya mereka mempunyai ilmu pengetahuan yang mencukupi serta kesedaran yang tinggi terhadap aspek landskap.

Di samping itu, orang ramai juga harus bekerjasama dan berganding bahu dengan DBKL untuk mencegah dan membanteras kegiatan vandalisme yang merosakkan kemudahan-kemudahan rekreasi yang disedia di taman-taman awam serta perbuatan memusnahkan pokok bunga dan tanaman di bandar raya Kuala Lumpur.

Jabatan Kerja Awam
Tingkat 17, Bangunan DBKL, Jalan Raja Laut
03-2699 3597

Jabatan Seni Tarian & Kawalan Pembersihan Bandar
Tingkat 16, Menara Dato' Onn, PWTC
03-4045 3320

Direktorat Penguatkuasaan
Kaunter Bayaran, Tingkat Bawah Blok A,
Jalan Tun Razak, 50400 Kuala Lumpur.
03 - 4023 1133

Jabatan Perancang & Kawalan Bangunan
Tingkat 8, Bangunan DBKL, Jalan Raja Laut.
03-2691 6011 samb. 3806/3868

Jabatan Pengangkutan Bandar
Tingkat 19 Menara Tun Razak, Jalan Raja Laut.
03 - 2691 0555

Jabatan Kesihatan
Tingkat 2, Bangunan Pentadbiran,
Km.4, Jalan Cheras.
03 - 9284 5166

Jabatan Pengurusan Penjaja & Perniagaan Kecil
Tingkat 4, Bangunan PKNS, Jalan Raja Laut.
03 - 2698 6989

Jabatan Pelesenan
Tingkat Bawah, Bangunan Bank Utama
56, Jalan Tuanku Abdul Rahman.
03 - 2698 6177 samb. 100

Jabatan Pengurusan Perumahan
Tingkat Bawah,
No. 12, , Jalan Tuanku Abdul Rahman.
03 - 2691 2112

Jabatan Saliran & Pengurusan Sungai
Tingkat 15, Bangunan DBKL, Jalan Raja Laut.
03 - 2691 6011

Hotline DBKL
03-4022 0033
(Banjir, lemas, tanah runtuh, jalan berlubang)
03-9284 3636/9284 3434
(Binatang berbisa, pokok tumbang)

Talian Aduan Awam
Bhg. Hal Ehwal Awam
03-2699 3852

Hari Mesra Pelanggan
(Sabtu Minggu 2 & 4 setiap bulan)
9.00 pagi - 12 tengahari

Pegawai Bertugas
Muhamad Bin Wahab Tel : 03-2697 7097

Penasihat

Hj. Halijah Binti Osman

Jelua Editor

Zainal Abidin Bin Hj. Mohd. Zain

Editor

Samsudin Bin Ibrahim

Sub Editor

Hanim Binti Hj. Hashim

Suriyana Binti Ismail

Jurufoto

Mubarak Bin Mohd. Atan

Abd. Rhani Bin Md. Shohor

Md. Ismail Bin Isnin

Cetakan

Unit Repografi

Jabatan Pengurusan Organisasi
Dewan Bandaraya Kuala Lumpur

Alamat Editor

Berita Bandaraya

Bahagian Hal Ehwal Awam

Jabatan Pengurusan Organisasi

Tingkat 5, Bangunan DBKL


Atau berhubung dengan

Suriyana Binti Ismail

Tel : 03-2691 6011 samb. 3851

Faks : 03-2694 1373

E-mel : akhbar@dbkl.gov.my



Juara Pancaragam Antara Sekolah-Sekolah,
Sekolah Menengah (P) Kuen Cheng

Pertandingan Pancaragam Sekolah-Sekolah

pelajar sekolah daripada melibatkan diri dalam kegiatan yang tidak sihat.

Persembahan yang menarik telah menjadikan Sekolah Menengah (P) Kuen Cheng sebagai juara dan membawa pulang hadiah wang RM3000, piala pusingan, piala iringan, sijil kejayaan, hadiah individu dan saguhati. Tempat kedua dimenangi oleh Sekolah Menengah Victoria dan ketiga telah dimenangi oleh Sekolah Menengah Kebangsaan St. John. Drum Major Terbaik dimenangi oleh Ahmad Jeffny Kamar dari Sekolah Menengah Kebangsaan St. John dan kedua terbaik dimenangi oleh Adil Ali dari Sekolah Menengah Victoria. Hadiah-hadiah telah disampaikan oleh Y. Bhg. Kol. Datuk Mohmad Shaid Bin Mohd. Taufek, Datuk Bandar Kuala Lumpur.

Pertandingan Pancaragam antara sekolah-sekolah yang diadakan baru-baru ini adalah bersempena dengan sambutan Hari Wilayah Persekutuan Kuala Lumpur 2002. Acara ini disertai oleh sekolah-sekolah menengah di sekitar Kuala Lumpur. Sebanyak enam buah sekolah telah terpilih menyertai pertandingan akhir yang diadakan pada 9 Mac 2002 di Dataran Merdeka.

Pertandingan Pancaragam Antara Sekolah-Sekolah ini dianjurkan oleh Dewan Bandaraya Kuala Lumpur dengan kerjasama Kementerian

Pendidikan Malaysia. Tujuan acara ini diadakan ialah menggalakkan kegiatan pasukan pancaragam di sekolah-sekolah Kuala Lumpur dan memperagakan aktiviti ini kepada warga kota. Di samping itu, ia dapat meningkatkan kemahiran dan minat pelajar dalam kegiatan pasukan pancaragam, membina dan memupuk nilai-nilai disiplin, kerjasama, daya saing dan daya juang yang tinggi di kalangan pelajar serta melahirkan dan memperkembangkan bakat-bakat baru yang menceburi bidang ini. Aktiviti sebegini juga dapat mengelakkan pelajar-

Pasukan Sekolah Menengah (P) Kuen Cheng akan mewakili Kuala Lumpur dalam pertandingan peringkat kebangsaan.

Kempen Derma Darah Dapat Sambutan

DBKL sebagai sebuah organisasi yang prihatin dan menyayangi rakyat dengan kerjasama Pusat Darah Negara, Kementerian Kesihatan, telah mengadakan satu kempen menderma darah untuk semua kakitangan DBKL.

Tujuan kempen ini diadakan ialah untuk membantu Pusat Tabung Darah Negara memenuhi keperluan rantainya di masa ke hadapan.

Kempen ini diadakan pada 11 Mac 2002 di Lobi Bangunan DBKL

bermula jam 9.00 pagi hingga 5.00 petang.

Seramai 68 orang telah menderma darah dalam tempoh 9 jam tersebut yang mana ianya melebihi sasaran awal iaitu 50 orang penderma. Turut hadir pada kempen ini ialah Tuan Haji Mohd Amin Nordin Bin Abd. Aziz, Timbalan Ketua Pengarah, Pengurusan Bandar, DBKL.

Semoga usaha DBKL ini sedikit sebanyak dapat membantu



Tuan Haji Mohd Amin Nordin Bin Abd. Aziz, Timbalan Ketua Pengarah, Pengurusan Bandar, DBKL, Dr. Zainol Ariffin Bin Pawanchee, Pengarah Jabatan Kesihatan dan Dr. Mohd. Amran Nordin Bin Abd. Wahab dari Pusat Tabung Darah Negara, sedang memerhati salah seorang anggota DBKL menderma darah.

Pusat Tabung Darah Negara dalam menangani masalah kekurangan darah yang dilaporkan berada di bawah tahap kritikal.

DBKL bercadang untuk mengadakan kempen ini setiap enam bulan sekali.